

8H6M KASHMIR + AGRA + DELHI



**SONAMARG MENAWARKAN PEMANDANGAN YANG CUKUP INDAH
MELIPUTI PUNCAK-PUNCAK GUNUNG SEPERTI MACHOI GLACIER,
SIRBAL PEAK DAN KOLAHOI PEAK.**

8H6M

KASHMIR + AGRA + DELHI



HARI 01 KUALA LUMPUR - DELHI

Berkumpul di KLIA/KLIA2 untuk menaiki penerbangan ke Delhi.
Tiba di Delhi dan bermalam di **Delhi**.

HARI 02 DELHI - SRINAGAR

SP/MT/MM

Lawatan di **Srinagar**:

Bertolak ke Srinagar yang terletak di dalam daerah Kashmir dengan menaiki penerbangan domestik.

- Melawat 2 buah **Mughal Gardens** yang terkenal iaitu Nishat Bagh dan Shalimar Bagh daripada 7 buah taman di sini. Kedua-dua taman ini dibina ketika zaman Empayar Mughal memerintah sebahagian besar India.
- **Nishat Bagh**: Sebuah taman yang berteres sebanyak 12 tingkat yang melambangkan 12 zodiak yang terletak di tebing Dal Lake. Dibina pada tahun 1633 oleh Maharaja Shah Jahan dengan pemandangan indah menghadap tasik dan Zabbarwan Mountains. Setiap teres dibina dengan senibina taman yang berbeza-beza dan di sini juga terdapat makam puteri raja Mughal. Teres ke-2 merupakan teres yang paling cantik dan menjadi tumpuan pelancong.
- **Shalimar Bagh**: Taman yang dibina oleh Maharaja Jahangir pada 1619 dan dianggap Mughal Garden yang tercantik di Kashmir dengan jolokan "Crown of Srinagar". Banyak pokok dan bunga yang jarang ditemui terdapat di sini dan musim terbaik untuk ke sini adalah ketika musim bunga dan luruh di mana pelancong dapat melihat pokok-pokok Chinar bertukar warna daunnya. Di sini juga terdapat sebuah dewan kediaman yang dibina menggunakan batu marble sebagai rumah tamu bagi tetamu diraja.
- Melihat cara pembuatan karpet Kashmir yang ditenun secara tradisional di **Carpet Weaving Factory**.

Bermalam di **Houseboat Srinagar**.

HARI 03 SRINAGAR - SONAMARG

SP/MT/MM

- Melawat kawasan pergunungan di **Sonamarg** yang bersejarah sebagai salah satu pintu laluan Silk Road yang menyambungkan antara Kashmir dan Tibet.
- Dengan ketinggian 2730m, Sonamarg menawarkan pemandangan panorama yang cukup indah meliputi puncak-puncak gunung di sekitar **Kashmir Valley** seperti Machoi Glacier, Sirbal Peak dan Kolahoi Peak dan juga tasik-tasik sekelilingnya seperti Gangabal Lake dan Vishansar Lake.
- Dengan bayaran tambahan, tetamu boleh menyewa kuda dan bersiar-siar sehingga ke Thajiwas Glacier ketika musim panas.

Bermalam di **Srinagar**.

HARI 04 SRINAGAR - GULMARG

SP/MT/MM

- Menikmati keindahan panorama yang menakjubkan di pergunungan **Gulmarg** yang turut dikenali sebagai Meadow of Flowers dengan menaiki kereta kabel **Gulmarg Gondola** menuju ke puncak gunung setinggi 3950m.
- Gulmarg merupakan destinasi percutian yang terkenal semenjak dari abad ke-16 ketika zaman Empayar Mughal lagi dengan tarikan pemandangan panorama indah pergunungan Himalaya di sekelilingnya. Selain itu, Gulmarg terkenal sebagai pusat golf dan juga sukan musim sejuk.

- Antara tarikan yang terdapat di sini ialah Igloo Cafe yang terbesar di dunia, Maharani Temple yang dibina pada awal kurun ke-19 dan Maharaja Palace yang dibina hujung kurun ke-18.

Bermalam di **Srinagar**.

HARI 05 SRINAGAR - DELHI - AGRA

SP/MT/MM

- Merasai pengalaman unik **Shikara Ride** menaiki sampan dari houseboat penginapan dan menyusuri sepanjang **Dal Lake** yang cukup luas dan mengambil foto pelbagai jenis houseboats yang unik yang terdapat di tasik ini, sambil berhenti sebentar di taman dan kebun sayur terapung. Menaiki penerbangan domestik menuju ke Delhi. Setibanya di Delhi, meneruskan perjalanan dengan bas persiaran menuju ke Agra.

Bermalam di **Agra**.

HARI 06 AGRA - DELHI

SP/MT/MM

Lawatan di **Agra**:

- **Taj Mahal**: Merupakan sebuah binaan yang dianggap sebagai antara 7 keajaiban dunia kerana seluruh kawasan kompleks ini dibina dengan simetri yang tepat. Kompleks ini dibina oleh Maharaja Shah Jahan pada 1631 sebagai makam buat isterinya Mumtaz Mahal. Tetamu pastinya akan teruja dengan keindahan monumen ini dan keseluruhan kompleks ini saat melangkah masuk pintu gerbang utamanya.
- **Agra Fort**: Sebuah kota pertahanan yang dibina pada 1565 oleh bapa Shah Jahan, Maharaja Akbar dan menjadi pusat pemerintahan dan kediaman utama diraja Empayar Mughal sebelum berpindah ke Delhi. Kota ini merupakan salah satu dari seni bina Islam yang penting dan seluas 94 ekar menempatkan sebanyak lebih 500 bangunan terdapat di dalam kota ini.

Bertolak menuju ke Delhi dan bermalam di **Delhi**.

HARI 07 DELHI - KUALA LUMPUR

SP/MT/MM

Lawatan di **Delhi**:

- **India Gate**: Tugu peringatan yang dibina seakan pintu gerbang bagi 84,000 tentera India yang terkorban sepanjang Perang Dunia Pertama.
- **Raj Ghat**: Memorial yang dibina bagi memperingati bapa kemerdekaan India, Mahatma Gandhi dan Jawaharlal Nehru, Perdana Menteri Pertama India.
- Bersolat di **Jama Masjid** yang dibina oleh Maharaja Shah Jahan pada tahun 1650 merupakan masjid yang terbesar di India dan menjadi simbol kekuasaan empayar Islam di India pada zaman Mughal.
- **Qutub Minar**: Menara yang dibina di atas runtuh kota Lal Kot pada 1199 setinggi 72.5m dan merupakan sebahagian dari kompleks masjid Quwwatul Islam.
- Lawatan panorama bas melepasi **Red Fort** yang dibina pada 1639 oleh Shah Jahan sebagai kota pemerintahan Empayar Mughal, **President's Palace** dan **Parliament House**.

Menaiki penerbangan pulang ke Kuala Lumpur.

HARI 08 KUALA LUMPUR

Tiba di KLIA/KLIA2.

PERTUKARAN MATA WANG



INDIAN RUPEE
INR 100 = RM 5.45



PERBEZAAN WAKTU

India: GMT+5.30 Malaysia: GMT+8



Musim Panas:

Mei - Jun



Musim Luruh:

Okt - November



Musim Sejuk:

Disember - April



Musim Bunga:

Jun - Sept



TOUR HIGHLIGHTS

1.



TAJ MAHAL:

Taj Mahal dibina oleh Maharaja Shah Jahan sebagai monumen peringatan untuk isterinya Mumtaz Mahal. Bangunan ini dikatakan 'Permata Senibina Islam' dan diisytiharkan tapak warisan dunia oleh UNESCO.

2.



HOUSEBOAT SRINAGAR:

Houseboat adalah penginapan yang unik di Kashmir. Setiap houseboat mempunyai ukiran kayu yang tersendiri. Bahagian hadapan houseboat dilengkapi dengan beranda. Didalamnya terdapat ruang tamu, ruang makan dan bilik tidur berserta tandas.

3.



SHIKARA BOAT:

Sampan tradisional di Kashmir. Merupakan pengangkutan utama untuk ke Houseboat dan tempat-tempat di sekitar Tasik Dal.

4.



GULMARG GONDOLA CABLE CAR:

Kereta kabel kedua terpanjang dan tertinggi di dunia yang membawa pengunjung ke puncak gunung.

Hotel Penginapan 3* Hotel

BANDAR	BIL. MALAM
Delhi	2 Mlm
Kashmir	3 Mlm
Agra	1 Mlm

Jadual Penerbangan

HARI	PESAWAT	SEKTOR	ETD	ETA
1	MH 190	KUL - DEL	1850	2150
7	MH 191	DEL - KUL	2300	0655+1

HARI	PESAWAT	SEKTOR	ETD	ETA
1	D7 182	KUL - DEL	1900	2205
7	D7 183	DEL - KUL	2320	0740+1

Harga Pakej Termasuk

- Tiket penerbangan kelas ekonomi termasuk surcaj minyak dan cukai penerbangan.
- Penginapan hotel bertaraf 3* sepanjang lawatan termasuk cukai bandar (city taxes).
- Tiket penerbangan domestik Delhi - Srinagar kelas ekonomi.
- Sarapan pagi di hotel, makan tengahari dan makan malam sepanjang lawatan mengikut aturcara.
- Tiket masuk ke tempat lawatan: Taj Mahal dan Agra Fort.
- Tiket menaiki kereta kabel Gulmarg Gondola.
- Pengangkutan sampan di Shikara Ride Dal Lake.
- Pengangkutan bas persiaran berhawa dingin yang selesa.
- Perkhidmatan ketua rombongan dan pemandu pelancong yang professional.
- Tip pemandu pelancong dan pemandu bas persiaran.

Harga Pakej Tak Termasuk

- Urusan permohonan visa (perlu dilakukan oleh travel agent sendiri).
- Travel Insurans - Hubungi kami bagi khidmat nasihat dan pembelian premium insurans yang sesuai.
- Surcaj tambahan ketika waktu perayaan, puncak dan cuti sekolah.
- Servis tambahan di hotel seperti snek, mini bar, dobi dan porter.
- Makan minum, tiket masuk lawatan dan tempat lawatan selain dari yang dinyatakan.
- Bayaran tambahan lebihan had bagasi penerbangan.
- Perkara lain selain dari yang dinyatakan di dalam aturcara dan pakej termasuk.